

万五通神仙供養此寺僧除事云如前伽藍驗說

法苑珠林卷第三十八

隸八

法苑珠林卷第三十九

隸九

大唐上都西明寺沙門釋道世撰

伽藍篇第三十六此有三部

述意部 营造部 致敬部

述意部第一

原夫伽藍者昔布金西域肇樹福基締構東川終祈淨業所以寶塔蘊其光明精舍圖其形像徧滿三千之界住持一萬之年建苦海之舟航爲信根之枝幹覩則發心見便忘返益福生善稱爲伽藍也但惟年代日遠法教衰替寺像雖立敬福罕儔或真或僞改換隨情或精或廉乃同蕃土遂令目覩其迹莫識

厥旨日用其事不知所由是以行道之衆心無所安流俗之徒於法無敬輕慢於是乎生陵蹈於是乎起欲以此護法不亦難哉者乎是以古德寺誥乃有多名或名道場即無生廷也或名爲寺即公廷也或名淨住舍或名法同舍或名出世間舍或名精舍或名清淨無極園或名金剛淨刹或名寂滅道場或名遠離惡處或名親近善處並隨義立各有所表今道俗難居豈得稱名也

營造部第二

依宣律師祇桓寺感通記云經律大明祇桓寺之基趾多云八十頃地一百二十院准約東西近有十里南北七百餘步祇陀湏達二人共造成之已後經二百年被燒都盡則當此土周姬第十三王平王之三十一年祇陀太子初雖不許賣後見布金欣然奉施即告太祖初雖不許賣後見布金欣然奉施即告長者吾自造寺不假於卿湏達不許因此共造太子立願後若荒廢願樹還生恰至被燒

屋宇頓盡所立樹者如本不殊何以被燒良
由湏達爲凡之時賣肉得財居賤出貴常願
荒儉雖巨富財由穢心故以此造寺終遭煨
燼太子願力淨心樹生業行有殊表之染淨
也於後五百年有旃育迦王依地而起十不
及一經于百年被賊燒盡經十三年有王六
師迦者依前重造屋宇壯麗皆寶莊嚴一百
年後惡王壞之爲教人場四天王及娑竭龍
王忿之以大石壓之殺毀者經九十年荒無
人物忉利天王令第二子下爲人王又依地
造莊飾嚴好過佛在時經百五十年魔天燒
滅則當此土漢末獻帝二十九年以事往徵

朱三十九

顯宗已後和安桓靈之代西域往來行人踵
接則見天王普構之作祇樹載茂之緣後雖
有造者僅接遺基至于今日荒涼而已依南
天王子撰祇桓圖一百卷北天王子撰五大
精舍圖二百卷各在本天不可具述也
夫造寺法用不可指定隨其施主物有豐儉

雖量力而作然湏用心精誠而造寺物雖小
得福弘大故無上依經云雖造四果聖人塔
廟滿四天下盡形供養不如有人佛涅槃後
取佛舍利造塔供養所得功德勝前功德百
千萬億分不可爲喻也一由有優劣二由心
有強弱若有真心縱小尚得福多何況於大
若有僞心縱大尚得福少何況於小是故行
者若欲造作必湏殷重不得輕慢也
如賢愚經云天語湏達長者云汝往見佛得
利無量正使令得百車珍寶不如轉足一步
至趣世尊正使令得百象珍寶不如舉足一
步往趣世尊正使令得一四天下滿中珍寶
不如舉足一步至向世尊所得利益盈逾於
彼百千万倍聞已歡喜佛爲說法成須陀洹
果湏達問舍利弗世尊足行日能幾里舍利
弗言日半由旬如轉輪王足行之法世尊亦
余余時湏達長者即於道次住二十里作停
舍須達請太子欲買園造精舍祇陀太子言

朱三十九

若能以黃金布地令間無空者便當相與湏達曰諾謹隨其價太子祇陀言我戲語耳須達言太子不應妄語即共與訟時首陀會天化作一人爲評詳言夫太子法不應妄語價既已決不宜中悔太子遂與之便使人象負金出八十頃中須臾欲滿殘餘少地雜阿舍百步字經亦太子祇陀有園八十頃去城不遠須達思惟何藏金足不多不少當取滿之祇陀問言嫌貴置之答言不也自念金藏何者可足當得補滿祇陀念言佛必大德乃使斯人輕寶乃余教齊且止勿更出金園地屬卿樹木屬我我自上佛共立精舍湏達歡喜即然可之即便歸家當施功作六師聞之往白國王長者湏達買祇陀園欲爲瞿曇沙門興立精舍聽我徒衆與共捕術沙門得勝便聽起立若其不如不得起也瞿曇徒衆住王舍城我等徒衆當住於此王報須達六師出如此言湏達愁惱不樂舍利弗怪問不樂達具述報之舍利弗言正

使六師滿闍浮提數如竹林不能動吾足上一毛欲捐何等自恣聽之須達歡喜即報國王却後七日當於城外寬博之處時舍利弗共勞度差各現神變外道不如具在經文時舍利弗既見外道受屈即爲說法隨其奉行宿福因緣各得道迹六師徒衆三億弟子於舍利弗所出家學道捐伎訖已各還所止長者湏達共舍利弗住且精舍湏達自手捉繩一頭時舍利弗自捉一頭共經精舍時舍利弗欣然含笑須達問言尊者何笑答言汝始於此經地六欲天中宮殿已成即借道眼悉見六天嚴淨宮殿問舍利弗言是六天何處最樂舍利弗言下三色染上二憣逸第四天中少欲知足恒有一生補處菩薩來生其中法訓不絕須達言曰我正當生第四天中出言已竟餘宮悉滅唯第四天宮殿湛然復更徙繩時舍利弗慘然憂色即問尊者何故憂色答言汝今見此地中蟻子不耶對曰已見時舍

利弗語須達言汝於過去毗婆尸佛亦於此地爲彼世尊起立精舍而此蟻子在此中生乃至七佛已來汝皆爲佛起立精舍而此蟻子亦在中生至今九十一劫受一種身不得解脫生死長遠唯福爲要不可不種是時須達悲心憐傷經地已竟起立精舍爲佛作窟以

妙栴檀用爲香泥別房住止千二百處凡百二十處別打捷椎施設已竟欲往請佛即往白王王聞即遣請佛世尊與諸四衆前後圍遶放光明震動天地徧照三千城中伎樂不鼓自鳴盲解病者皆得具足男女大小覩斯瑞應歡喜踊躍來詣佛所十八億人都悉來集聚余時世尊隨病投藥爲說妙法各得道迹佛告阿難今此園地須達所買林樹華果祇陀所有二人同心共立精舍應當與号太子祇陀樹給孤獨食園名字流布傳示後世余時阿難及四部衆聞佛所說頂戴奉行又涅槃經云須達取金隨集布地一日之中

唯五百步金末周徧祇陀即語須達餘未徧者不復湏金請以見與我自爲佛造立門樓常使如來經由入出祇陀長者自造門樓須達長者七日之中成立大房足三百口禪坊靜處六十三所冬室夏堂各各別異厨坊浴室洗腳之處大小圊廁無不備足

問曰何

釋
卷三十九

故如來徧住此園耶答曰依真諦師傳云過去第四拘留孫佛時人壽四萬歲有長者名曰毗沙此地廣一由旬純以金板布地徧滿其上奉施如來以爲住處第五拘那含牟尼佛時人壽三萬歲有長者名大家主以此園地廣三十里純以銀衣等徧布其地并以乳牛及犢子充滿其中奉施如來起爲住處第六迦葉波佛時人壽二萬歲有長者名大幅相以此園地廣二十里純以七寶徧布其地奉施如來起爲住處第七今釋迦牟尼佛人壽百歲時有長者名須達於此園地廣唯十里純以金餅布地周滿園中金厚五寸買此

園地奉施如來起爲住處至後彌勒佛出世時人壽八萬歲須達爾時爲蠻法國大臣名須達多此園也還廣一由旬純以七寶徧滿布地奉施如來起爲住處過去未來地雖延促終是一所能施之人雖有前後據體而論還是一人恒爲長者殷富熾盛常充供養諸佛不絕至釋迦時初得須陀洹果臨終時得阿那含果至弥勒佛出時方證阿羅漢果故雜阿含經云給孤獨長者疾病佛自往看病記其得阿那含果乃至命終生兜率陀天恒下來禮拜佛聽法已還歸天上此據迹中亦其小說論實是大菩薩

又大集經云佛告梵天王等我諸聲聞現在未來三業相應及與三種菩提相應有學無學具足持戒多聞善行度諸衆生於三有海及諸施主爲我聲聞而造塔寺亦復供給一切所湏及彼眷屬付囑汝等勿令惡主非法惱亂尔時梵釋天王龍王夜叉等合掌向佛而作是言大德婆伽婆已有一切如來塔寺

及阿蘭處及未來世若在家出家人爲於世尊聲聞弟子造塔寺處我等悉共守護令離一切諸難怖畏亦如有給施飲食衣服卧具湯藥一切所湏如是施主我等亦當護持養育故七佛經云護僧伽藍神斯有十八神一名美音二名梵音三名天鼓四名歎妙五名

六 朱三十九

數美六名摩妙七名雷音八名師子九名妙歎十名梵響十一名人音十二名佛奴十三名數德十四名廣目十五名妙眼十六名徹聽十七名徹視十八名徧視寺既有神護居住之者亦宜自勵不得惰怠恐招現報也

致敬部第三 述曰依如西域凡有士女既

到伽藍至寺門外慶已所遇先整衣服摠設一禮入寺門已復設一拜然後安庠直進不得左右顧盼也故涅槃經云往僧坊者有其七法一者生信二者禮拜三者聽法四者至心五者思義六者如說脩七者廻向大乘利安多人住是七善最勝最上不可辭喻又郁

迦長者經佛言長者居家菩薩入佛寺精舍當住門外五心作禮然後當入精舍自念言我何時當得如是居寺出塵垢之處又十住毗婆沙論云在家菩薩若入佛寺初欲入時於寺門外五體投地應作是念此是善人住處行慈悲喜捨住處是故須禮若見諸比丘

威儀具已恭肅敬心禮拜親近問訊也又自愛經云時有國王詣佛所遙見精舍下車却蓋解劍脫履拱手直進又僧祇律云若行平視廻時合身摠廻行時先下腳跟後下腳指又智度論云先入來去安庠一心舉足下足觀地而行為避亂心爲護衆生故是名不退

朱子九

菩薩相又西國寺圖云行至佛所禮三拜竟圍繞三匝唄讚三契禮佛既已方至僧房房外一拜然後入見上座次第至下各設三拜僧多一拜若見非法之事不得譏訶若發言嫌責自失善利非入寺之宜故涅槃經云夫入寺者棄捨刀杖雜物然後入寺捨刀杖者

去瞋恚三寶心也捨雜物者去從三寶乞求心也且除兩過乃可入寺順佛而行不得逆行設復緣礙左遶恒想佛在右出入之時悉轉面向佛禮拜三寶者常念體唯是一何者覽法滿足名佛所覺之道名法學佛道者名僧則知一切凡聖體同無二也若入寺時伍頭看地不得高視見地有虫勿悞傷殺當歌唄讚數不唾僧地若見草木不淨即湏除却又四分律云入僧寺已應先禮佛塔次禮聲聞塔後禮第一上座乃至第四上座又五分律云若入僧多但別禮師餘人摠禮而去又四分律云得禮出家五衆亡人塔及如來塔又五百問事云弟子得禮師塚以報恩故又增一阿含經云塔中不應禮餘人又十誦律云佛塔聲聞塔前自他不得禮又五百問事云佛塔前禮餘人得罪又三千威儀經云不得座上作禮今時數有諸寺及以俗家見有道俗在牀上禮佛此大慢辭如欲拜人王豈得在牀拜人毗尼母論

云不得著革屣富羅入塔此是韓僧五百聞事
復名五百聞事云若是淨潔鞚履鞋袜等得著禮拜僧祇律云若人禮拜不得如瘞羊不語當相問訊少病少惱安樂不道路不疲苦不巴下廣
明諸律

述曰若有士人或難因緣湏至寺宿不得卧僧牀席必無私有借卧如法然不得共僧同

其牀卧故寶梁經云共僧同牀半身枯死墮地獄受其大苦僧未眠時不得在先眠不得調戲言笑說非法語失於威儀驚動衆心若有便利啼唾爲求法宿不得出外者無犯眠時右脅著牀以脚相壘心係明相念當早起表出家因也是故經云仰卧者是脩羅卧伏
朱三十九

地卧者是餓鬼卧左脅卧者是貪欲人卧若右脅卧者是出家人卧衆僧未起在前早起嚴儀容服至僧房前故沙弥威儀經云若入師房應三彈指又三千威儀經云若入師房當具五法一於外彈指二當脫帽三作禮四正住教坐乃坐五不忘持經又僧祇律云弟子

應晨起先右腳入師房已頭面禮足觸安眠不故善見論云弟子參師當避六處一不得當前二不得當後三不得太遠四不得太逼五不得處高六不得上風立當不近不遠側相而立令師小語得聞不費尊力也又欲行時威儀進止皆不得離師故善見論云弟子從師行不得遠師七尺又沙弥威儀經云弟子從師行不得以足蹈師影述曰若女人入寺法用同前但不得在男子上坐形相語笑脂粉塗面畫眉假飾非法調戲共相排盪持手帳人必湏攝心整容隨人教令依次持香一心供養懺悔自責生女人中常成隔礙於此妙法脩奉無因不得自專由他而辨一何苦哉深生悲悼若見沙弥禮如大僧勿以小位而不加敬此於大僧爲小在俗爲尊如此等法竭力而行法用既多具在士女篇述曰若男女所脩事訖湏欲出寺佛塔前設禮三拜還湏右遶三匝合掌唄讚然後却行

出寺門外復設一禮若見僧時徒衆若少各
禮三拜僧若多時總辭三拜故善現論云禮
佛時應達三市三拜四方作禮合十指掌义
手於頂却行而出絕不見如來更復作禮迴
前而去表慕恋二宝重疊報恩也凡欲入寺之行為作出
世之緣建立寺者開淨土之因供養僧者爲

出離之軌故惟穢俗之鄙質入伽藍之淨刹

所有施爲恐乖法式若也還家微捨自贖表
僧有法施俗有財惠舉動合宜内外俱益也
頌曰

玄風冠西土

內範軼東衿

大川開寶匣

福地下金繩

繡松高可映

畫拱巒相承

日馭非難假

雲師本易憑

陽樓疑難燧

降軒類鑿冰

迥題飛星沒

長楣宿露凝

旌門曙光轉

輦道夕雲蒸

祇桓多靈物

竹園滿休徵

虛薄筆難紀

微軀竊自凌

優遊從可恃

恩蔭永難勝

感應緣略引一十九寺

晉建元寺并建康太清寺

宋靈味寺在鍾山蔣林里

漢平等寺寺在南京

晉昇平白塔寺在秣陵三井里

晉白馬寺在建康中黃里

臨海天台山石梁聖寺

東海蓬萊山聖寺

抱罕臨河唐述谷仙寺

相州石鼓山竹林聖寺

巖州林慮山靈隱聖寺

晉陽冥寂山聖寺

代州五臺山大孚聖寺

魏太山丹嶺聖寺

雍州太一山九空仙寺

終南山大秦嶺竹林寺

梁州道子午關南獨聖寺

終南折谷炬明聖寺

西域志諸山感供聖寺

總述中邊化迹降靈記

晉建元寺建康太清里寺基本宋北第元徽

二年宮人陳太妃造寺塔舍利靈應相仍每

夕放光寺大殿後畫迦毗羅王及毗沙門天

王二像若有僧侶失儀童豎糞慢者無不影

錄朱二十九

響表異使其恭肅若使虔誠懺禮標心懇切者必空中有彈指聲或循遶翼衛其間有請福祈願者莫不尅諧 宋靈味寺建康鍾山蔣林里宋永初三年沙門法意起造晉末有高逸沙門莫顯名迹巖栖谷飲常在鍾山之河一夜忽聞怪石崩墜聲振林薄明日履行唯見清泉湛然因聚徒結字號曰靈曜

漢平等寺廣平武穆王懷捨宅所立也寺門外有金像一軀高二丈八尺相好端嚴常有神驗國之吉凶先炳祥異孝昌三年十二月此像面有悲容垂淚褊體皆濕時人号曰佛汗京師士女空市而觀有一比丘以淨綿拭其淚湏臾之間綿濕都盡更以他綿換拭俄然浸濕如此三日乃止至明年四月余朱榮入洛陽誅戮百官死亡塗地至永安二年三月此像復汗京邑士庶復往觀視五月北海入洛莊帝北巡七月北海大敗所將江淮子第五千餘人盡被俘虜無一得還永安三年

七月此像悲泣復如初汗每經神驗朝野惶懼禁人不聽觀視至十二月余朱堪入洛擒莊帝帝崩於晉陽宮殿空虛百日無主唯尚書令司州牧樂平王余朱世隆鎮京師賚旅四通盜賊不作 白塔寺在秣陵三井里晉升平中有鳳凰集此地因名其處爲鳳凰臺朱三十九

卷

十一

公

公

至宋升平二年齊太祖起造立寺之始咸以山高難於谷汲比立法和爰發誓云若此地可居當使自然出水乃於食堂前試鑿井曾不數仞而清泉湛然甘香清美流未嘗竭白馬寺在建康中黃里太興二年晉中宗元皇帝起造昔外國王欲滅佛法宣令四遠毀壞塔寺次招提寺忽有一白馬從西方來繞塔悲鳴騰躍空中或復下地一日一夜鳴聲不絕以事白王王潛淚深自愧責即勑普停已毀之塔並更脩復由此白馬大法更興因改招提爲白馬此寺之号亦取是名焉

東晉初天台山寺者昔有沙門帛道猷或云

竺道猷統涉山水窮枯奇異承天台石梁終
石無度乃慷慨曰彼何人斯獨無貞操故使
聖寺密余對面千里遂揭錫獨往而趣石梁
周瞰崖隙久之方獲其山石梁非一聖寺亦
多將欲直度不惜形命且虹梁亘谷下望万
尋上闊尺許莓苔斜側東邊似通西礙大石

攀登路絕猷乃別思冀授夜宿梁東便聞西
寺磬聲經唄唱薩勇意相續通夕不安又聞
聲曰却後十年當來此住何湏苦求雖余不
息晨夕惋恨結草爲菴弥年禪觀後試造梁
乃見橫石洞開梁道平正因即得度遂見棟
宇宏壯圖塔瓈奇神僧叙接究同素識中食
既訖將陳住意僧日却後十年自當至此何
勞早住相送度梁橫石已塞至晉太元年終
於山所形似綠色端坐如生王羲之聞之造
焉望崖仰挹今有往者雲迷其道 宋時朱
齡石者使往遼東還返失道隨風沉海一月
餘日達于一島糧水俱竭入島求泉漸深登

山乃見一寺堂宇莊嚴非所曾覩僧問所從
具說行事設食飲水問以去留石曰此乃聖
居非凡可住僧曰欲住任意石苦辭欲還僧
告曰此間去都二十餘万里石等聞之驚怖
曰若余何緣得達僧曰自當相送不勞致憂
又問曰識杯度道人不曰識之便指壁上鉢
詠未三九

公

岱曰此是彼物有小過罰在人中便取鉢岱
與石并書一封上爲書字然不可識曰可以
書鉢與之令沙弥送勿從來道此有直路疾
至船所湏臾至海沙弥以一竹杖著船頭語
曰但閉舫聽往不勞航施也於即依言但聞
颯颯風中聲有竊視者見船在空雲飛奔於
山林海上數息間遂達揚都大衍正見杯度
奇衍攔口云馬馬齡石既至書自飛上度手
度驚曰汝那得蓬萊道人書喚我歸耶乃說
由緣又將鉢與之手捧鉢曰吾不見此鉢四
千餘年擲上入雲下還接取太初中無故而
死事在高僧傳 晉初河州唐述谷寺者在

今河州西北五十里度風林津登長夷嶺南望名積石山即禹貢導之極地也衆峯竟出各有異勢或如寶塔或如層樓松柏映巖丹青飾岫自非造化神功何因綺麗若此南行二十里得其谷焉鑿山構室接梁通水遶寺華果疎葉充蒲今有僧住南有石門瀆於河上鐫石文曰晉太始年之所立也寺東谷中有一天寺窮討處所略無定止常聞鐘聲又有異僧故号此谷名爲唐述羌云鬼也所以古今諸人入積石者每逢仙曜行住恍忽現寺現僧東北嶺上出於醴泉甜而且白服者不老 高齊初有異僧投鄴下寺中夏坐與

十三 朱三十九公

同房僧亡名歎曲意得客僧患痢甚困名以酒與之客曰不可也名曰但飲酒雖是戒禁有患通開客嘔眉爲飲之患損夏滿辭還本寺相送出都客曰頗聞蔽山竹林寺乎名曰聞之古來虛博竟無至者客曰無心相造何由而至一夏同房多相憐亂患痢飲酒乃是

佳藥卒非所欲爲意而飲願不以此及人山寺孤迥時可歷覽想一登陟以副虛懷名聞喜踊曰必能導達夕死無恨至九月間覲望尋屐幸賜提引不爾無由客曰若來可從鼓山東面而上東度小谷又東北上即是山寺至期與好事者五六人直詣石窟寺山僧曰何以得來曰欲往竹林道由於此僧曰世人可笑專聽妖言此山東西我並遊涉何處有寺古有斯言不勞往也名曰彼客致詞極非孟浪何有虛也只得尋之尋而不獲非余咎也石窟寺僧十數相隨依言東上度谷尋嶺忽見一翁把鑊斂地又見一僧來至鋤禾四邊把鋤曳鑊曰去年官寺道人放馬食我禾盡今年復來蹠我秧苗舉鑊趨僧並皆返歸唯名一人東北獨上翁曰放你上山乞蟲喫却遂依東上林水深茂聞南嶺上有吟詠聲名曰非往者客耶曰是也排榛而出執手叙

雲重門洞開棲殿基列門外東西櫓櫨飾以
金鋪似有馬蹤而無繫者行至門首曰且住
此通和尚去湏臾便出引入至佛殿前禮拜
訖西至廊下和尚可年九十許眉長鼻高狀
如西僧傍有宮吏可三十人執文簿有所判
斷舉手告曰下里山寺殊無可觀何能遠涉

名即禮拜十數拜和尚曰行來疲頓可止將
至房去便引西房北東轉見僧憑案讀經名
使禮拜都不慰問便引盡北行東出至卒客
房中歡笑通宵屢永住彼日一任和尚不敢
爲礙待明爲諮報曰和尚不許乃至中食不

異鄰中臨別和尚曰知欲永住知友情也然

錄朱三十九十四

出家人不可兩處安名卒寺受供可得乘否
必欲永住可除彼名好去便辭送出執手恨
恨既別悽然行一里間數數反顧寺塔林竹依
然滿目更行二里返顧一無但是峯崖雜樹
行行西下依隨卒道不見田苗亦無田翁乃
至石窟備爲僧說之 高齊文宣在晉陽使

人騎白駝驅向我寺取經函去使問不知何
寺帝曰但任驅行自知寺處日晚出城驅行
至急奄然如睡忽至一山名爲冥寂山半有
寺有群沙弥曰高詳駝駕來也便引入寺見
一老僧拜已問曰高詳作天子何似答曰聖
明問曰余來何爲答曰令取經函僧曰詳在
寺懶讀經今取何用指示北行東頭是其卒
房汝可彼取函與之即乘驅而返如睡如夢
奄至晉陽以函及命不久帝行至谷口木井
寺有捨身癡人不解語忽語帝曰我先去余
後可來帝然之是夜癡人死不久帝於晉陽
不豫使劉桃枝負行鼻血淋漓是夜帝崩

岱州東南五臺山古稱神仙之宅也山方三百
里極巖崇峻有五臺上不生草木唯松柏茂林經中明文殊將五百仙人往清涼之
山即斯地也地極嚴寒多雪号曰清涼山所
以古來求道之士多遊此山遺迹靈窟即自
極多中臺最高去頂七百里望如指掌上有

小石浮圖其量千計即是魏文帝宏所立也
石上人馬跡宛然如新有大泉名曰太華清
澄如鏡有二浮圖夾之中有文殊師利像人
有至者鍾聲香氣無日不有神僧瑞像往往
逢遇龍朔二年下勅令長安會昌寺僧會
曠往彼修理寺塔前後再返亦遇靈感中臺
東南下三十里有大孚靈鷲寺古傳漢明所
造現有東西二道場像設猶存南有華園二
頃許四時相間互相映發古今常然不知元
由貞觀年中有禪師名解脫聚住習定自云
於華園北四度見文殊師利菩薩翼從蒲空
群仙異蹕不可勝紀近有僧朗禪師居山三
十餘載亦遇仙蹟飛空而去唯留故皮南臺
三十里內多是名華偏於峯岫俗号華山中
有堦寺鐘聲時發曾見異人形儔冠世言語
之間超騰遂遠其山甚近滯俗罕登者必
感勝緣 魏太山丹嶺寺釋僧照未詳氏族
性多虛放好追靈迹謫詭之處無不登踐承

瀑布之下多諸洞穴仙蹟遊止以魏普泰年
行至榮山見飛流下有穴孔因穴而入行可
五六里便得出穴外有微逕其東北上可行
數里得石渠闊三兩步水西流清澄徹上下
藥草蔓延委地青翠渠北有瓦舍三口形甚
古陋庭前穀穀穗縱橫鳥雀殘食甚衆東頭
屋內有數架黃囊中間有鐵臼兩具亦有釜
器並附遊塵都無炊爨之迹西頭室裏有一
沙門端坐儼然飛塵沒膝四望瞻眺唯見茂
林懸澗非有人居須臾之間逢一神僧年可
六十眉長丈餘槃掛耳上相見欣然傾慰若
舊問所從來答云我同學三人來此避世一
人外行未返一人死來極久似入滅定今在

西屋內汝見之未今日何姓爲主答曰是魏
家享國已久不姓曹耶照云姓元僧曰我不
知之遂取穀穗擣之作粥又往林中葉下取
梨棗與之令噉僧云汝但食之我不噉此又
問誦何經業照云吾誦法華經神僧叩頭曰

大好精進業今東屋架上如許經吾並自誦之欲得聞不照合掌曰唯敢聞命彼遂部別誦之聲氣朗徹乃至通夜照疲苦睡僧曰但睡我自恒業耳達旦不眠更爲造食照謝曰幸得奉謁今暫還歸尋來接事僧亦不留但言我同學行去汝若值者大有開悟恨不見

之既言湏歸好去照尋路得還結侶重來瀑布覓穴莫測其處今終南諸山亦有斯事不可具述 雍州剝縣南繫頭山寺者其山本舟人繫船其頂故以名焉昔太一未分山連太行王屋白鹿河水停於此川号爲山海及巨靈大人秦供海者患水浩蕩以左掌托太華右足蹠中條太一爲之裂河通地出山遂高顯仍卒号爲張衡西京云高掌遠蹠以流河曲者是也古老傳云繫頭南有九空仙寺昔有人山採逼暮不知歸道依林而宿夜聞鍾聲在近即尋之忽見一寺僧衆百餘但有行坐而不敘問其人怪之至明失寺此來在

近無往尋者有僧曾至山但有層峯秀林不可登踐又云山有九窟仙人所居也有藍田大谷伏羲城側歸義寺僧弘藏者有膽勇聞而往尋積日累夜巡擾山隙止獲五窟甚圓淨如人所造無缺漏似有居者又光明寺了禪師亦往尋覓依窟一夏今所謂照陽空也

錄 朱子九十七

足爲華望之大觀也而仙寺終不見焉

子午關南大秦嶺竹林寺者至貞觀初採蜜人山行聞有鍾聲尋而往至焉寺舍二間有人住處傍大竹林可有二頃其人斷二節竹以盛蜜可得五升許兩人負下尋路而至大秦戍具告防人以林至此可十五里戍主利其大竹將往伐取遣人依言往覓過小竹各達于崖下有鐵鎖長三丈許防人曳鎖掣之大牢將上有二大虎據崖頭向下大呼其人怖急返走又將十人重尋值大洪雨便返藍田悟真寺僧歸真少小山栖聞之便往至小竹谷北上望崖失道而歸常以爲言真云此

竹林至關可五十許里 子午關南第一驛
 名三交驛東有澗東南坡數十頃是栗樹素
 不知有僧住屢聞鐘聲不以爲奇一時驛家
 婦女採樵入澗忽值一僧獨坐石上縫衣傍
 無一物此女有信心白曰不知師在此日時
 欲至向驛食來僧云貧道山居不得食驛家
 官食女曰自有私食足以供養僧曰信心人
 食亦不可得女恐時過馳走取食走來尋之
 不見其迹由是常令家人左近追之永不可
 值而有鍾聲此寺去驛五里 又終南折谷
 內棲蘭寺者近有人見一僧云倩爲擎樸向
 寺問寺在何處云在折谷炬明東額頭其人
 爲荷樸將至寺見一僧從南崖來可長五十
 尺相召來其人辭返語曰吾日日入山採柴
 可於柴下取齋殘餅食之不須道得之由緣
 便隨其言日得其餅妻怪窮之不得已便說
 遂瘡經年又見二僧入谷其人手招指口如
 是三返便得語其人近死今入山者至炬明

額側常聞鍾聲亦往往見有異僧近有一僧
卷三十九
 聞已遇見入谷僧疑是棲蘭寺問言大德是
 棲蘭寺僧不曰是欲隨大德去得不曰可相
 隨來但聞耳邊颺颺風聲至急心惟曰此何
 必是聖或入深山蹠頓我竊生念時前僧便
 失懊惱之甚返迴三日方達谷口乃於避世
十八
 僧立精舍以之精舍見存其僧不知所終
 又終南庫谷內西南又名胡廬谷昔有人於
 山採研遇見一寺并石室石門門內並寶器
 重大不可勝然不見僧人是衆僧供用具度
 其人徘徊顧盼記誌處所以所賣瓠盧掛於
 室樹下山召村人往尋其谷內樹上往往悉
 是瓠盧莫知蹤跡今有尋山云石門扇在山
 崖傍半入山下其半雖出無人力開之今其
 谷名庫地名天藏故谷口府坊皆名天藏測
 其山中則弥勒下生方現於俗耳 西域志
 云 萬國西南有檀特山山中有寺大有衆
 僧日日有驢運食無控御者自來留食還去

莫知所在 西域志云王玄策至大唐顯慶五年九月二十七日菩提寺寺主名戒龍爲漢使王玄策等設大會使人已下各贈華疊十段并食器次申呈使獻物龍珠等具錄大真珠八箱象牙佛塔一舍利寶塔一佛印四至於十月一日寺主及餘衆僧錢送使人西行五里與使泣涕而別曰會難別易物理之況龍年老此寺即諸佛成道處爲奏上於此存情預修當來大覺之所言意勤勤不能已

已若廣明西城塔寺靈迹嘉祥徵瑞具如上感通篇述

敬尋佛法東流年向六百三寶傳記卷盈三千其內名僧德重可觀神通變化靈瑞感通

十九

向有千人自古君臣隱道逸民負才傲俗之流並皆崇敬如賢如聖備在傳記不可具述故入大乘論云尊者聖人賓頭盧羅睺羅等有十六大阿羅漢住世通法又有九億無學聖人亦在此洲未入涅槃惟此而詳今諸山海所居衆僧多聞磬聲或尋遇寺豈非聖人

之所處乎今更約諸門以分三時一約住世二約賢劫三約釋迦一佛爲候初約住劫用辯通塞者如西域所列往劫行事如薩埵捨身流血尚在達摩捨子杖捶遺血布髮掩泥之所捨身求偈之地月光斬首尸毗飼鷹斯等遺跡並惟古劫計數灾蕩如何尚存天竺名僧亦疑斯致理如所問無宜獨留而往事迹有僧釋云此乃如來神力由菩薩志行雖有三災不可除滅後成世界依而集之亦有人言三灾之化無往不除乃至無一隣塵而得存焉今云塔在豈不乖乎諸德釋云但非聖跡者如無一隣得住今云有者由聖力加備故得久住欲使後代師之鑽仰慕聖蹤依之得道世界初成昔古遺跡相似而現並是佛之神力變化所爲故五不可思議中一是佛神力也所以往劫生事而列之第二約同劫以明相對有四且如一鉢千佛共同故傳云釋迦受食四王奉鉢滅後流行至毗舍離

若干百年又至乾陀衛又至西月支于填丘夷羨當達震旦返向師子國還來天竺上昇毘率彌勒見曰釋迦佛鉢今來至此七日供養還下龍宮彌勒成佛四王還獻二者龍宮佛影千佛同留三者方石說法千佛同坐即捷陀卑鉢樹下是也四者石塔盛襄千佛同候上傳之中多明四佛行坐之跡准此未來抑亦可見第三明釋迦一代通而不等如天道寶階滅無遺緒吒王大塔七化已三道樹滅而更生佛跡毀而還現楊枝摧而重出舍利試而逾靈諸如此例故應不通後佛至如鷄足迦葉留化慈尊山宮明辯持身滅定之

建
卷三十九
才

侶摩支應供之徒事局未來神化絕域皆爲明通開顯累俗慈導有情澄神諸有也依道宣律師感應記問天人曰荊州河東寺者此國甚大余與慈恩寺嵩法師交頤積年其人即河東羅雲法師之學士也云此寺本曾住萬僧震旦之最聞之欣然莫測河東之号請

廣而述之亦佛法之大觀也答曰晉氏南遷郭璞多聞之士周訪地圖云此荆楚舊爲王都欲於陝州置之嫌逼山遂止便有宜都之号下至松滋地有面勢都邑之像乃掘坑秆土嫌其太輕覆寫卒坑土又不滿便止曰昔金陵王氣於今不絕固當經三百年矣便都建業仍於此置河東改遷裴薩柳杜四姓居之地在江曲之間類蒲州河曲故有河東目也有東西二寺昔符堅伐晉荊州北岸並沒屬秦時桓仲爲荊牧邀翼法師度江造東寺安長沙寺僧西寺安四層寺僧符堅歿後北岸諸地還屬晉家長沙四層諸僧各還本寺西東二寺因舊廣立自晉宋齊梁陳氏僧徒常數百人陳末隋初有名者三千五百人淨人數千大殿一十三間惟兩行柱通梁長五十五尺欒櫳重疊國中京狩即弥天釋道安使弟子翼法師之所造也自晉至唐曾無虧損殿前四鐵鑊各受十餘斛以種蓮華殿前

塔宋譙王義季所造塔內素像忉利天工所
造佛殿中多金銅像寶帳飛仙珠華珮並是
四天王天人所作寺內僧衆兼於主客出方
餘人當途講說者五十三人十三人得其聖

果各領千僧餘小法師五百餘人十誦律師
有四十人九人得聖大小乘禪師八百餘人

其得聖人二百二十四人徒衆嚴肅說不可
盡寺法立制誦經六十紙者免維那誦法華
度免直歲寺房五重並皆七架別院大小今
有十所般舟方等二院莊嚴最勝夏別常有
千人四周廊廡咸一萬間寺開三門兩重七
間兩廈殿宇橫設並不重安約准地數取其
义故所以殿宇至今三百年餘無有損敗東
川大寺唯此爲高曠曜川原實稱壯觀也
又問彌天釋氏宇內式瞻云乘赤驢荆襄朝
夕而見未審如何答曰虛也 又曰若爾虛
傳何爲東寺上有驢臺峴南有中驢村據此
行由則乘驢之有地也答曰非也後人築臺

於植樹供養焉有佛殿之側頓置驢耶
又中驢之名本是閻國鄰國之故地也後人
不練遂妄擬之

法苑珠林卷第三十九

隸九

音釋

締徒反計姬基槃拔羅羅鞞拔羅羅鍔微瞶苦組組陳檢魚
反狀似體禮遙初救詭詭頓五紺鄂胡
重訛反此見贊蹟陟利堡保根根唐直

反

大宋國平江府長洲縣鳳池鄉官太尉橋南水西面
東居住奉

三寶女弟子張氏百七娘法名妙淨意者自身行
年五十一歲二月十五日子時建生昨於二月以
來爲患目疾不安至今未得全可特發誠心謹施
淨財恭入 磚砂寺經坊刊大藏法苑珠林第三
十九卷所集功德用作保扶所患目疾速賜痊安
平善者

淳祐丙年八月 日趙司戶安人張氏妙淨謹題